

羣生二十二年加封誠感咸應五十二年又加封顯神贊頌敕令濱海各邑一體遍祭光緒十二年頒瀛海臚敬額  
祭風神廟每歲春秋仲月上己天千各州縣捐俸供祭

祝文

維神發育萬物噓拂羣倫順物布氣長養生成跡消山軍大旁浪息海鯨祥和聿暢巽體斯貞式隆祀典肇舉明禋陳牲獻爵  
來格來歆尚饗

今案會典風神廟為羣祀

祭龍王廟每歲春秋仲月上辰日各州縣捐俸供祭

祝文

維神德洋寰海澤潤蒼生允襄水土之平經流順軌廣濟泉源之用膏雨及時績奏安瀾占大川之利涉功資育物欣庶類之蕃  
昌仰藉神庥宜隆報享謹遵祀典式協良辰敬布几筵肅陳牲幣尚饗

今案會典龍王廟為羣祀

祭火神廟每歲春秋仲月上丙日致祭

今案會典火神廟為羣祀

祭軍牙六纛每歲霜降日武官致祭

祭品

帛一 羊一 豕一

祭城隍凡遇祈雨齋戒禁止屠宰各官詣廟設香案行一跪三叩頭禮

今考城隍之說古無可徵易泰卦封城覆於隍蓋二字合見之始後儒據禮稱天子大蜡八伊者氏始蜡蜡祭八神水庸居七水隍也庸城也是城隍實始於堯時惟立廟之說前史未見太平府志云城隍廟在府承流坊赤烏二年造則廟之創自後漢可知厥後北齊慕容儼亦祀城隍於鄆城是六朝時亦有城隍有唐以來名臣如張說張九齡文人如杜牧亦皆有祭文傳世宋元而後封爵壇祀殆遍天下明洪武元年又正其封爵曰公州曰侯縣曰伯且制詞昭彰謂各處城隍皆有監察司民之權於是香花供奉到處皆然矣

今考會典城隍廟爲羣祀

祭屬壇每歲清明日七月望十月朔請城隍之神出主具祭榜無祀鬼神分祀之羊三豕三飯米三石香燭酒紙隨用

今案會典屬壇爲羣祀

部頒告城隍文曰欽奉皇帝聖旨普天之下無不有人無不有鬼人鬼之道幽明雖殊其理則一今國家治民事神已有定例尚念冥冥之中無祀鬼祀昔爲生民未知何故而沒其間有遭兵刃而橫傷者有死於水火盜賊者有被人強奪妻妾而忿死者有被人掠取財物而逼死者有誤遭刑罰而屈死者有天災流行而疫死者有爲猛虎毒蟲所害者有饑寒交迫而死者有因戰鬥而殞身者有因危急而自縊者有因牆屋傾頽而壓死者有死後而無子孫者此等鬼神或終於前代或沒於近世或兵戈擾攘流移於他鄉或人煙斷絕久缺其祭祀姓名泯沒於一時禮典無聞而不載此等孤魂死無所依精魂未散結爲陰靈或倚草附木或爲妖作怪悲愴於星月之下呻吟於風雨之中凡遇人間令節魂杳杳以無歸意懸懸而望給與言及此憐其悽慘故救天下有司依期致祭命本處城隍以主此祭鎮按壇場鑒察諸神等類其中有爲良善誤遭刑禍死於無辜者神當達於所司使之還生中國永享太平之福如有素爲兇頑身逃刑憲雖獲善終亦出僥倖者神當達於所司屏諸四夷善惡昭報神必無私除欽奉外合就牒移城隍獄神弔出獄幽以享祭典久遠遵行

祭賢良祠每歲春秋二仲致祭

祀文

公等傳列循良績侷召杜蒸嘗合乎祭法尸祝本自輿情廢墜弗脩典型曷仰某遍稽志乘考核生平雖生不同時而行多合轍或振興文教或不著武功或減稅均徭甦閭閻之重困或懲奸剔蠹除胥吏之營私潔己奉公門絕苞苴之謁平情聽訟獄無冤滯之民愛戴常新謳思弗替不愧垂芳百世允宜共祝一堂風爾在官並切景行之慕歆茲廟食用邀陟降之靈尚饗

附賢良祠姓名

漢母將隆 宋陳瓊蘇軾

祭昭忠祠每歲春秋二祭

附昭忠祠姓名

欽營右哨千總陞任四川督標守備章憲 龍營把總王瑞鳳 陽江鎮右營千總陳超倫俱奉旨世襲雲騎尉 電白營千總

陳超瑞外委吳瑞川傅君彰以上俱欽州人 龍門右營外委傅君相路岱俱合浦人 龍門營兵丁何鳳翔陳名鳳黃文元鍾永

瑞藍秀義陳繼華李全俱欽州人 又龍門左營兵丁張世舉鍾文陞陳經鄭文輝吳仕賢李勝保唐得富劉芝榮右營兵丁許

振舉宣朝英何得相何得輝張超升林孟紀鄧世傑何志榮王斌許超貴李廷棟李朝棟沈廷高張得貴陳正聖徐日升謝錫明

何國明林春發林集雄萬仕高蔡元德梁發林貴俱台浦人

己上俱題准入祀

祭羅公祠每歲春秋仲月戊日遣官石康致祭

公正中南向 子鑑東位西向 欽西位東向

祝文

維公至性為國為民城陷不屈捨身成仁子卿父命奮不顧身與父同死允協彝倫節義千古忠孝一門石康舊治靈爽式憑肅將酒醴虔薦犧牲氣吞逆賊福庇蒼生尚饗

祭武廟每歲春秋仲月上戊日及五月十三日致祭

春秋祭品

帛一色白牛一 豕一 羊一 籩十 豆十 尊一

五月十三日祭品

後殿不用牛食同

帛一色白牛一 豕一 羊一 酒一尊 果五盤

祝文

惟神浩氣凌霄丹心貫日扶正統而彰信義威振九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭值嘉辰遵行祀典筵陳籩豆几奠牲醪尚饗

儀注

祭日贊引官引承祭官進左旁門至盥洗所贊盥洗盥洗畢引至殿內行禮處立典儀唱執事者各司其事贊引官贊就位引承祭官就拜位立典儀唱迎神司香官捧香盒就香爐左邊立贊引官引承祭官就香爐前立司香官跪贊引官贊上香承祭官立將炷香接舉插爐內又上塊香三次畢贊引官贊復位承祭官復位立贊引官贊跪叩興承祭官行三跪九叩首禮典儀唱奠帛爵行初獻禮捧帛爵官將帛爵捧進神位前奠帛官跪獻畢行三叩首禮退執爵官立獻畢退讀祝官詣安祝文桌前行一跪三叩首禮捧起祝文立贊引官贊跪承祭官讀祝官俱跪贊讀祝讀畢捧至神位前跪安盛帛盒內畢行三叩首禮退贊引官贊叩

興承祭官行三叩首禮立典儀唱行亞獻禮執爵官照初獻禮於案左獻畢退典儀唱行三獻禮執爵官自案右照亞獻禮獻畢退典儀唱徹饌送神贊引官贊跪叩興承祭官行三跪九叩首禮立典儀唱捧祝帛饌各詣燎位捧祝帛香饌官各至神位前俱跪捧祝帛官行三叩首禮捧香饌官不叩首將祝帛香饌依序捧送承祭官退至西旁立候捧祝帛官過畢復位立贊引官贊詣望燎位承祭官至燎爐前焚訖揖贊引官贊禮畢祭後殿

雍正三年追封三代公爵

光昭公正中南向

裕昌公東一室南向

成忠公西一室南向

春秋祭品

帛各一白色

豕各一

羊各一

蓬豆各八

祝文 頌

維公世澤貽麻靈源積慶德能昌後篤生神武之英善則歸親宜享尊崇之報列上公之封爵錫命優隆稽三代以肇禮典章明備恭逢諏吉祇事薦馨尚饗

儀注行二跪六叩首禮承祭官詣

光昭公

裕昌公

成忠公各爐前奉香餘同前殿

今案會典關帝廟為羣祀咸豐丙辰詔陞中祀

祭文昌廟

嘉慶七年頒行每歲二月初三八月十八日致祭

祭品

帛一色白牛一 羊一 豕一 登一 鉶一 邊十 豆十

祝文部頌

維神績著西垣樞環北極六筐麗曜協昌運之光華累代垂靈為人文之主宰扶正以彰夫感召薦馨宜致其尊崇茲屆仲秋用昭時祭尚其歆格鑒此精虔尚饗

儀注承祭官三獻俱行三跪九叩首禮

後殿祭品

帛各一色白邊各八 豆各八

祝文部頌

祭引先河之義禮崇反本之思矧夫世德彌光延賞斯及祥鍾累代炯列宿之精靈化被千秋緯人文之主宰是尊後殿用答前麻茲值仲春肅將時事用申告潔神其格歆尚饗

儀注承祭官行二跪六叩首禮餘同前殿

今考周官大宗伯以禘(大脚)燎祀司中司命天官書敘文昌六星司中司命列焉然則文昌之祀由來久矣或謂文昌姓

謝名艾晉時人元帝南渡綏撫江左艾往河西應孝廉謁張軌嘗領軍擊敗石季龍之將麻秋後與姚萇為友為龍驤將軍入蜀至鳳山訪艾艾贈以鐵如意曰麾之可致兵請試之艾持三揮戈盾戎馬萬餘來集今名其處曰試兵壩艾死人為立祠至隋唐置其尤著加封至八字王廟即梓潼神也若孫光憲北夢瑣言則言梓潼張亞子神或又云梓潼神者張姓諱亞子其先越為人因報母仇徙居劍州之七曲山仕晉戰歿人為立廟梓潼嶺工神之來歷言人人殊惟歷代崇祀之典唐明皇西狩追封左丞僖宗入蜀封濟順王宋咸平改封英顯王元加號為帝君天下學校有祠祀者明景泰中因京師舊廟開而新之遂以二月三日誕辰遣祭事實詳文帝全書帝君本傳

今案會典文昌廟為羣祀咸豐癸丑詔陞中祀

已上據府志大清會典亦修

祭文廟每歲春秋二八月上丁日致祭先期承祭官率陪祭各官齊赴文廟階下行一跪二叩頭禮教官滌器視牲并瘞毛血至期黎明各官衣朝衣齊集行禮

正殿至聖先師孔子神位

祭品

- 帛一色白牛一 羊一 豕一 登一 鉶二 簋二 簋二 籩十 豆十 樽十 白瓷爵三

四配東二位

復聖顏子

述聖子思子

四配西二位

宗聖曾子

亞聖孟子

祭品東西同

帛四白豕一 羊一 鉶三 簋二 簠二 豆八 樽一 白瓷爵三

十二哲東六位

先賢閔子損

先賢冉子雍

先賢端木子賜

先賢仲子由

先賢卜子商

先賢有子若

原祀四廡乾隆三年升配十哲之次

十二哲西六位

先賢冉子耕

先賢宰子予

先賢冉子求

先賢言子偃

先賢顏孫子師



先賢朱子熹康熙五十三年  
升配十哲之次

祭品東西同

帛一白豕一 鉶各一 簋各一 簋各一 籩各四 豆各四 豕首一 白瓷爵三

東廡先賢

蓬瑗 澹臺滅明 原憲 南宮适 商瞿 漆雕開 司馬耕 梁鱣

冉孺 伯虔 冉季 漆雕徒父 漆雕哆 公西赤 任不齊 公良孺

公肩定 鄒單 罕父黑 榮旂 左人郢 鄭國 原亢 廉潔

叔仲噲 公西與如 邾巽 陳亢 琴張 步叔乘 秦非 顏噲

顏何 繇亶 樂正克 萬章 周敦頤 程灝 邵雍

東廡先儒

公羊高 伏勝 董仲舒 后蒼 杜子春 諸葛亮 王通 陳贛道光六  
年從祀

范仲淹 歐陽修 楊時 羅從彥 李侗 呂祖謙 蔡沈 陳淳

魏了翁 王柏 趙復 許謙 吳澄 胡居仁 王守仁 羅欽順

黃道周道光五  
年從祀 湯斌道光二  
年從祀

西廡先賢

林放 宓不齊 公冶長 公皙哀 高柴 樊須 商澤 巫馬施

顏辛

曹卬

公孫龍

黍商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西藏

顏之僕

施之常

申根

左邱明

秦冉

牧皮

公都子

公孫丑

張載

程頤

西廡先儒

穀梁赤

高堂生

孔安國

毛萇

鄭康成

范甯

韓愈

胡瑗

司馬光

尹享(火旁)

胡安國

張栻

陸九淵

黃幹

真德秀

何基

陳皓水旁

金履祥

許衡

薛瑄

陳獻章

蔡清

呂坤道光六年從祀

孫奇逢道光八年從祀

劉宗周

道光二年從祀

陸隴其

祭品東西同

帛一白

豕三

每簋一

簋一

邊四

豆四

銅爵各一

儀注

分獻陪祭各官入兩旁門序立贊引官導承祭官至盥洗所盥手畢引至臺階下文典儀唱樂舞生就位執事官各司其事分獻官陪祭官各就位贊引官替就位承祭官就拜位立分獻官隨後立典儀唱迎神唱舉迎神樂奏成半之章樂作贊引官贊跪叩興承祭官陪祭官分獻官俱行三跪九叩首禮興樂止典儀唱奠帛行初獻禮唱舉初獻樂奏寧半之章樂作贊引官引陞壇導承祭官由東階上進殿左門贊引官贊詣

至聖先師孔子位前承祭官至案前立贊引官贊跪叩興承祭官行一跪一叩首禮興贊引官贊奠帛捧帛官捧帛跪進承祭官